

冕甯縣志卷一

逢州李昭朗如纂輯  
江津李廷楷端臣重修

受業陳志一起然梓  
劉坤隆邨菴校

天文志一

星野

國語伶州鳩曰歲之所在則有我周之分野史  
記以二十八舍主十二州蓋有分民有分土即  
有分星漢書所謂政失於此則變見於彼天  
人之應不爽也夫言星野者本始周官言蜀分者

冕甯縣志卷一

天文

星野

皆主井鬼冕邑隸於建昌仰當鶉首之次而星  
經以參鬻值之誤矣又有指為西南夷地應占  
天狼者益非我

朝璇璣精審厯象參用西術以歲差里差定其次舍  
於是高卑合準宮度釐然誠萬世不易之良規  
茲列諸書之異同於前而以

大清一統志所定為斷庶習甘石之言者有所折衷

馬志星野

洛書甄曜度汶山之地為井絡帝以會昌神以  
建福上為天井星

華陽國志其分野與鬼東井

左思蜀都賦岷山之精上為井絡

前漢書地理志秦地於天官東井與鬼之分野

也南有巴蜀廣漢犍為武都又西南有牂牁越

巋皆宜屬焉以上主井

鬼分野

史記天官書觜觿參益州淮南子天文訓觜觿

冕甯縣志卷一

天文

星野

二

晉書天文志觜參魏益州容齋隨筆曰十二國

其為義多不然前輩固有論之者矣其甚不可

曉者莫如晉天文志謂自畢至東井為實沈於

辰在申魏之分野也屬益州且魏分晉地得河

內河東數十縣於益州亦不相干謬亂如此而

出於李淳風之手豈非蔽於天而不知

地乎○按此上二條見非觜參分野

明史天文志井九度至柳三度鶉首之次

按一統志四川分

野有翼軫而無觜參而甯遠府實為井

鬼分野冕邑近隸甯遠其主井鬼明矣

大清一統志甯遠府井鬼分野鶉首之次

井宿說

南方朱鳥七宿井居其首井八星在河中參旁之東有玉井故曰東井亦曰天井水星也主水泉日月五星貫之為中道為天之南門又主諸侯帝戚三公之位黃道所經又為天之亭候主水衡事王者用法平則井星明而端其西曲星曰鉞附於井邊二寸主伺淫奢而斬之四瀆四星在井南江淮河濟之精也五諸侯五星在井

冕甯縣志卷一

天文

星野

三

北主刺舉戒不虞一曰帝師二曰帝友三曰三公四曰博士五曰太史南北兩河各三星分夾東井為天之關門主關梁河南為南戒為越門為南戍曰權星主火河北為北戒為胡門為北戍曰衡星主水陰陽分位華夏夷貊所繇別禮樂攻伐所繇出也闕邱二星在南河南主象魏天子之雙闕諸侯之兩觀也天罇三星在井東北主盛饘粥以給酒食之正積水一星在北河

東北主聚美水以供酒用積薪一星在北河西  
 北主積薪以備庖廚之需水府四星在井西南  
 司乎百川主設隄防水位四星在井東北象乎  
 衡平主瀉淫溢皆水官也天狼一星在井東南  
 援戈野戰為野將弧九星八星形如弓外一星  
 如矢狼性貪戾弧常注矢以向狼矢端直則狼  
 不敢動軍市十三星 張衡周天大象賦晉書天  
市十三星查 皇朝 圓綴如錢在井南天軍貿  
文獻通考軍市六星 天文 星野 曰  
 易之市使遠有無中有一星曰野雞主知物價  
 察姦慝軍市西南二星曰文人主壽考文人東  
 二星曰子子東二星曰孫扶尊孕緒主孝愛以  
 侍丈人弧南一星曰老人一曰壽星司天下人  
 民壽算秋分之旦見於丙春分之夕沒於丁常  
 以秋分時候之於南郊饗焉是謂南極老人色  
 黃明大則人壽昌天下治平多賢士  
 鬼宿說

地輿縣志卷一

天文

星野

曰

南方七宿之次曰輿鬼在井東四星一曰天廟  
又曰天訟天匱天墳土星也其中為日月五星  
之中道為朱雀之頭眼主視明察奸謀天之日  
也東北一星主積馬東南一星主積兵西南一  
星主積布帛西北一星主積金玉明則五穀順  
成中央一星孛孛然似雲非雲似星非星見氣  
而已名曰積尸又名積尸氣主誅戮外廚六星  
為天子之外廚軒轅西四星曰權亦曰烽燿在

冕甯縣志卷一

天文

星野

五

鬼西北主四時變國火及烽燧備警急天狗七  
星所以警賊盜弧東南六星為天社春社以興  
農事秋社以報秋成后土之精也外廚東南一  
星曰天紀主知禽獸齒歲為天子獸官產育於  
以蕃滋焉

天文志二

氣候

農為政本知時為上氣候者時之權輿也分至  
啟閉之相循雨暘燠寒之互運譬諸一身氣充  
血和則肌骨潤實是以聖王占辰會元吹律協  
氣作訛成易示民以則今讀豳風月令之篇斟酌  
時之功大矣哉古農家之書廣矣考工言天有  
時地有氣百里殊候十里異宜苟執南責北準

冕甯縣志卷一

天文

氣候

六

煖量寒是猶求晡影於晨曦而望秋禾於春刈  
也豈不舛歟冕邑終歲無酷暑耕種同於他處  
而收穫之期甚晚花卉早於他處而菜蔬之熟  
甚晚蓋地氣之偶殊非天時之有間也今驗諸  
數歲紀其大略占風雨而分節候亦足為農政  
之一助云志氣候

縣境西北近打箭爐地方較縣尤寒東南瀘沽  
冕山較縣微煖

春正月多陰夜風時起有微雪二月三月多晴  
多大風冷熱不時總春令多晴多大風時見雨  
雪皆微

夏四月上半月多晴多風下半月多晴多晚雨  
無風五月夜多雷雨率起申酉時終日晴不過  
數日六月晝多晴夜多雨時有迅雷總夏令無  
風而多雨早晴而晚陰有電而常雷長虹不截  
夜雨盛伏猶作秋寒

冕甯縣志卷一

天文

氣候

七

秋七月多陰少晴多夜雨八月上半月申酉輒  
陰雨多徹夜下半月雨漸少而風漸多九月多  
晴少雨多大風總秋令中秋前多雨中秋後多  
風

冬十月多晴多大風有霜微雪十一月多晴晝  
夜多大風山多霧十二月亦多晴多大風有大  
雪總冬令晴多風大而祁寒  
總一歲之令春冬多晴多大風夏秋多雨無風

南風溫北風寒又晝多晴夜多雨終歲無盛暑  
三伏民皆服單袷一二件或襲馬褂羊皮半臂  
陰雨則擬他處八九月時冬日或重裘不能禦  
其寒烘爐有至春杪者深山有向火至五月者是以葛紗  
之賈絕迹而紈扇卻御也

以上數段係書明府繪原本昭自道光二十八年  
秉鐸斯邑今閱十星霜矣每歲風雨燠寒多  
如前說惟自咸豐元年洪明府瞻陸創建風雨

冕甯縣志卷一

天文

氣候

神祠後冬日風勢銳減亦靈異事也  
電之來雲氣雜黃綠其聲訇訇有風引之以鎗  
礮向空施放其勢稍殺多在申酉時而不久近  
年來亦漸少矣

雪多在山上每當春秋冬令平地雨則山間集  
霰夷地雪山有終年不化者近縣高山至五月  
乃盡消

大風之來震屋折木垂簾掩戶聽之令人耳曠



心煩亭午時起黎明始止

大風之日晝必陽暉照麗夜必星月清朗少有  
陰霾雨雪者

每歲清明前後數日便撒穀種無異他處至收  
穫之期較他處約遲月餘桃李正月開牡丹二  
月開桂花七月菊花八月開較他處略早至夏  
間蔬菜成熟視建昌約遲一兩月